

弇州山人四部稿卷之三十三

吳郡王世貞元美著

詩部

七言律九十五首

憶昔三首

憶昔 文皇三出邊六龍飛雨隄胡烟天門直向陰
山關北斗翻從南極懸鐵馬春饑填瀚海金人秋祭
失祁連只今何處無廉李野哭荒村幾歲年

其二

盛世君臣不易逢泰陵松柏感遺踪朝清轉自饒封

事歲稔兼聞罷上供白簡五侯時踴躍青編三老日
從容苑西今日千門地輦路恩稀草色濃

其三

更憶南巡漢武皇樓船車馬鬱相望輕裘鄴杜張公
子挾瑟邯鄲呂氏倡秋淨旌旗營細柳夜深烽火獵
長楊孤臣尚有遺弓淚不見當時折檻郎

應試夜泊貞女廟示一二友

南來夜泊貞女廟有客一二時相通孤蓬倚樹鳥驚
宿白露濕衣人在空遙憐故鄉共明月獨有游子知
寒風何事長安渾不見無數浮雲北望中

其二

貞女廟頭鼓鼗鼓忽驚游客歸夢中扁舟一葉天上
下茅屋數間水西東傷心南國釣鱸地矯首上林征
鴈風莫恠殷勤惜杯酒試問愁城誰爲攻

賞石榴花有感

客邸高眠只無賴忽見花發強開筵錦窠銀子尚未
結赤萼青枝虛可憐東風不吹春老矣零露初滴朝
嫣然何年安石送汝至不種朝元高閣邊

登西山

亂削芙蓉碧靄攢千盤轉盡自成寒清秋殿閣空中

見落日旌旂樹杪看北眺浮雲生大鹵東迴紫氣抱
長安向來弓劍曾游地萬壑松風度急湍

元日早朝

九霄魚錦下層關炬火俄分豹尾班宮闕香浮吹淡
蕩液池冰合鎖潯潏充儀未展含元殿獻壽遙傳萬
歲山敢道去天身尺五侍臣猶自望龍顏

夏日同僚文游崔都尉山莊分韻

尺五高臨杜曲天況逢三伏勝游偏夾堤楊柳涼全
得出水芙蓉曉故鮮南國烟波開檻外西山風雨落
尊前誰家暗度秦臺引回首朱門月可憐

天寧寺同謝山人茂秦章行人景南李比部于
鱗餞李伯承明府分韻得花字

長安三月芳意賒習習柔風黃鳥斜春社虎溪能遠
送暮雲鳬鳥未堪遮城闌倦借支公馬江路吟逢潘
令花去住卽看同幻跡向來離合不須嗟

送汝康柳州再徙徵江

汝游桂嶺疑天盡更入滇方覺地寬明月江帆懸萬
里瘴雲山樹鬱千盤莫將詩句題蠻府自有威儀識
漢官橘柚秋風今實否高飛鴻鴈滿長安

送陳子兼遷水部治通州河

親撫除書出未央前門秋色滿奚囊亦有故人山吏

部

張選曹君同年也

居然新例水曹郎河流雨挾十艘上關

輔雲連萬雉翔爲道陽春誰和者于今粉署少輝光

寄陳子兼提學

寒食江風黃鳥斜故人蓬髮各天涯巴中父老相如
諭峽裏星河博望槎劔閣夢懸千里月錦城人醉四
時花獨憐方朔長安米西望經年尺素賒

送潘青州之信陽兵備

使者黃金出漢京共看潘岳賦西征淄青劔履花間
發淮蔡旌旗雪後迎自昔單車消衆壘于今千騎擁

連城中朝文武如君少莫使人傳治郡名

送葉子漢赴成都令葉頗能詩

明時經術鬢雙華西去啼猿萬里賒此際巴人無訟
芋向來僊令只栽花挂帆峽裏逢春雪濯錦沙邊弄
晚霞一自文翁能教授至今揚馬擅名家

書庾戌秋事

傳聞胡馬塞田中候火甘泉極望同風雨雕戈秋入

塞

宣大兵入援

雲霄玉几晝還宮

上自西苑還大內

書生自抱終

軍憤國士誰譏魏絳功北望蒼然天一色漢家高碣

倚寒空

其二

匈奴萬騎縱西山天險誰當百二關今日安危任邊
將異時恩澤滿朝班烏邊白骨那能辨馬首紅粧若
個還元散書生空哽咽捷書誰爲破愁顏

其三

漢朝宮樹自蒼蒼萬馬風生紫塞長是處烽烟欺太
白幾家關月恨流黃千金劔客辭軍壘三殿兵符下
室皇解道雲中飛將在露書何以慰明光

大同仇帥
入援

其四

長陵松柏氣成龍極望蒼然憶漢封繁木西來是符

拔扶桑東盡見艤艦旌旗夜攝千烽偃玉帛春看萬
國從七萃貔貅今不乏坐驕胡騎出居庸

過鞏華城

今皇御蹕曾經此雉堞龍蟠控上都佳氣迥從陵樹
發白雲迴望漢宮鋪千金徙俠東填塞三輔地刑比
備胡涕淚棘門諸將士城頭月出有啼鳥

時有兵戍焉

送張比部募兵山西

九月連烽愁太陰徵兵六傳漢臣臨軍中蕩子隨都
尉塞上孤兒備羽林豹帳雲鈴揮白羽虎符星檄散
黃金自來三晉多豪傑投筆知君萬里心

送孫郎中守承天

五馬憑陵紫氣中，方城南冠楚天雄。
成周百葉稱江漢，先帝千秋憶沛豐。
將爲股肱仍見召，卽論湯沐竟誰同。
蘭臺宋玉毋煩對父老，時時歌大風。

其二

漢江西望接荆門，紫馬春看孫使君。
今日帝鄉私雨露，向時龍跡護風雲。
橋門玉砌鑾輿下，中貴銀珪御座分。
何事南陽不可問，古來強項幾人聞。

冬夕諸君見過談及江南梅花因有作次焉
臘日諸賢何水部，草堂時過數烹茶。
西山樹老班荊在。

雪南國梅驕已著花玉笛長人吹不盡瑤臺僊侶夢
還賒疇能一醉羅浮約扶杖行吟江月斜

送申職方左遷萊州推官

向來綈九在明光誰借前籌計朔方黃石一編天子
傳青雲尺檄尚書郎功名絳灌無同列馳騁滄海豈
異鄉東望不須疑蜚氣囊中長缺九秋霜

送瞿師道太史使大梁 周府

長安草色上鳴珂繁吹春調四牡歌太史授圭開赤
社宗藩如帶指黃河天邊漢節蛟龍擾雪後梁園鴻
鴈多上客知君須授簡鄭枚詞賦未應過

送亢子益太史使饒州 淮府

彭蠡波濤雪餘僊槎春煖錦帆舒
淮王上客能詞賦漢使甘泉奉璽書
伯父爾宜仍胙土東南今復盛簪裾
經行倘上康山望 高帝雄圖在石渠

送胡子文太史使荊州 遼府

江漢諸姬近 帝鄉方城紫氣鬱相望
寧因剪葉勞周史不爲包茅問楚疆
作賦雄風連七澤行舟積雪滿三湘
上林簪筆應相待留滯何須念子長

送朱象玄太史使武昌 楚府

詔從冠冕際南天君去湖波正淼然
此日包茅供歲

病異時瓊樹悵風烟張筵樂奏魚龍曲對客文成鸚
鵡篇歸郡前驅逢負弩青雲初過陸機年

送張益甫給事使懷慶 鄭府

覃懷名勝肅風烟僊使輶車春草前山抱虎牢看作
礪樹蟠孤嶺若從天歌風不獨思商俗爲命今應繼
鄭賢歸道霜驅應便發建章宵几正籌邊

送毛檢討起貶雲南幕僚得鷄字

庚戌秋變檢討以言事得召對其謫也頗因
之

乾坤慘淡干戈裏封事終軍拭淚題苑道夜乘中貴

馬關頭朝聽逐臣鵲盤江瘴暖桐花發黔嶺雲深鵲
鳩迷魑魅如逢休代答賜環應有漢宮泥

寄李新喻伯承

近傳陶令詩仍作父老懸蒲茲息機山色巧當公府
坐瀑聲晴向捲簾飛憑將鴈字論南北說着蛾眉易
是非燕市酣歌殘雪裏江城或已授春衣

送馮郎中守廣州

承明初厭漢臣班開府霜清瘴裏山炎荒齒革銜鱸
集橫海旌旗列戍閒天闊羊城秋鴈少月明鮫浦夜
珠還試問食泉誰更酌不妨駐馬嗽潺湲

奉謁 長陵敬志鄙感

長陵松柏似龍蟠
象緯高垂列漢官
萬里乾坤留劍
鳥百年豐鎬見衣冠
只今南粵虛傳譯
聞道西羌未
解鞍
文帝威靈終在眼
秋風霜露不勝寒

月夜宿弘慈寺聽講

夜堂趺坐轉三車
倦向僧厨乞施茶
露淨珠光翻貝
葉月寒金色湧蓮花
憑看有相吾何染
聽說無生路
未賒莫謂常明須
震旦金篦已許導恒沙

寒日游天寧寺

衝寒此日城西寺
酌茗看山興未涯
塔外風傳羣帝

樂林間雪是講壇花聞鐘客散催疲馬施食僧歸起
倦鴉幙被祇應忘說去夜深還聽演三車

送黃侍御按雲南時方有用師之警

客有乘驄白玉羈從天六傳下諸夷昆池水習三千
艦益部霜驅五月師飛檄春農歸耒耜停車夜墨散
旌旗甘泉實已垂南顧尺羽能令奏計遲

送包大中之滄州運鹽幕

杯酒河梁朔思嚴太行飛雪擁高幘市中結客誰青
眼幕下爲郎舊紫髯醉墨誤題雲母扇雕盤初薦水

鼎鹽知君故有籌邊策三府何年辟孝廉

包善書畫